




Lieder

As Leb'n is schee.....	2
Auf'm Weg zu Dir	3
I wohn eiz am Meer.....	4
Stella brillante auf italienisch ... so oder ähnlich ;-).....	5
Wia's Wassa	5
Alpenfeeling	6
Da neie Dog	8
Late Love Blues.....	9
Suddenly SUNSHINE	10
Mia san no lang ned Oid.....	11
Mein kleiner Schatz	12
Phlegmatisch	13
Brauch I des	13
Rengschburg.....	15
Somma Dog	16
Gänseblümchen und Löwenzahn	17
Coconut (a Kokosnuss)	17
Hoid de Zeit	19
Sonne über Island.....	20
Dei Wärm	22

As Leb'n is schee

I sitz umanand ... und hab nix zum doa
I schaug umanand ... I bin ganz aloa
Und I frog mi: Wo fñhrt des hi?

I werd' imma äida ... des is hoid a so
De Träume der Jugendde san scho verflogn

und wenne so nachdenk wos I oft hoid ned so pack
tagein und tagaus as Gleiche nur doa
Kos ned sei! Kos ned sei!

As Leb'n is schee	wenn ma wos d'raus macht
As Leb'n is schee	geh trau da und machs hoid
As Leb'n is schee	wenn ma wos d'raus macht
As Leb'n is schee	waar so schee

Geh mach hoid a amoi ... einfach Musik
Bist scho Cabrio g'fahn ... dei Nasn im Wind

Des fade dahileb'n is wos du goa nia so mogst,
drum schwing de eiz auf, laaf ausse in Woid
Greif hoid o! Greif hoid o!

As Leb'n is schee	wenn ma wos d'raus macht
As Leb'n is schee	geh trau da und machs hoid
As Leb'n is schee	wenn ma wos d'raus macht
As Leb'n is schee	waar so schee

As Leb'n is schee	
As Leb'n is schee	
As Leb'n is schee	waar so schee

Auf'm Weg zu Dir

Jede Woch des selbe Spü
Manchmoi wird's a weng zvä
Da Weg is no so weid

Doch de Sehnsucht nach Dir
bist' di endlich herdruggst zu mir
As Brenna in mir
bis I Di in meine Arm spür
I bin guad drauf - doch as wart'n hoid I kaum mehr aus

I schaug aus'm Fenster naus
Oiwei Zugfahrn is a Graus
d'Landschaft ziagt schnei vorbei

Doch de Sehnsucht nach Dir,
treibt mi naus auf'm Weg hi zu Dir
As Brenna in mir
treibt mi o ... is a Kraft tief in mir
I frei mi scho drauf ... hoid des Warten scho fast kaum mehr aus

da Schaffna sagt ebbas durch
I hear ned zua – mecht mei Ruah
De Gedankn fliagn davo

Doch de Sehnsucht nach Dir, bist' Di endlich herdruckst zu mir
as Brenna in mir, I dram Tag und Nacht scho von Dir

de Sehnsucht nach Dir, as Brennen in mir, bis I Di in meine Arm spür
de Sehnsucht nach Dir, as Brennen in mir, wann bin I bei Dir?

de Sehnsucht nach Dir, as Brennen in mir, bis I Di in meine Arm spür
de Sehnsucht nach Dir, as Brennen in mir, wann bin I bei Dir?

Und dann stehst Du da ... am Bahnsteig alloa,
und Du ... strahlst mi o

Ja I g'spür I bin eiz dahoam, bei DIR.

I wohn eiz am Meer

I wohn' eiz am Meer, am Strand stört mi koana mehr
Alloa, so ganz radikal, wenn a bloß, für heid a moi
Ja I brauch nur mi, senier' so vor mi hi
So ganz in Gedankn, draamt es si ohne Schrankn

Mei Herz is schwar ... so wia a Stoa
Jeden Dog mia zwoa, bin nia aloa
I waos es is ned leicht für di
Versteh mi, I bin I, brauch mehr Zeit für mi

**Aber dann, kimm I zu Dir her ... brauch di doch so sehr ...
für's Glück im Haus am Meer
I nimm di bei der Hand, mia genga obe zum weißn Strand**

**Na samma wieder z'samm - Du, I und as Meer
Na samma wieder z'samm - Du, I und as Meer
Na samma wieder z'samm - Du, I und as Meer**

[Solo]

I red a mit koam, hab's Handy scho lang valoarn
Und brauch's a ned alle Dog ... manchmoi is de Gseischafd a Plog

denn mei Herz is schwar ... so wia a Stoa
Jeden Dog mia zwoa, bin nia aloa
I waos es is ned leicht für di
Versteh mi, I bin I, brauch mehr Zeit für mi

**Aber dann, kimm I zu Dir her ... brauch di doch so sehr ...
für's Glück im Haus am Meer
I nimm di bei der Hand, mia genga obe zum weißn Strand**

**Na samma wieder z'samm - Du, I und as Meer
Na samma wieder z'samm - Du, I und as Meer
Na samma wieder z'samm - Du, I und as Meer**

[Solo]

**Aber dann, kimm I zu Dir her ... brauch di doch so sehr ...
für's Glück im Haus am Meer
I nimm di bei der Hand, mia genga obe zum weißn Strand**

3 x Na samma wieder z'samm - Du, I und as Meer

Stella brillante

auf italienisch ... so oder ähnlich ;-)

Quando ti ho visto per la prima volta, non ho saputo che
Che tu sei tutto che i'ho cercato, tu sei la donna per me

Le strade che abbiamo scelto, in ricerca della felicità
Abbiamo fatto grande errori, ma poi ho visto la verità

Perche

tu sei la mia vita cara

tu sei tutto per me (ti amo)

tu sei una stella che brilla per me

E adesso dopo quasi venti anni, son sicuro che
Eravamo baciati dalla fortuna, abbiamo trovatici - e

le figlie il cane tutto questo, ti amo sempre di più
Il modo di vivere tutti insieme, mantenendo la gioventù

Perche

tu sei la mia vita cara

tu sei tutto per me (ti amo)

tu sei una stella che brilla per me

anno dopo anno
ancor'(a) innamorato
il tempo vola
la vita passa in fretta
andando all'letto accarezzando
un bacio per te
io e te – tu con me

Perche

tu sei la mia vita cara

tu sei tutto per me (ti amo)

tu sei una stella che brilla per me

Perche ...

Wia's Wassa

Manchmoi tauche auf, manchmoi tauche nei,
und merks ned - schwimm sauba dschnei

doch manchmoi hob i Muat, es lafft und duat so guad,
bin im Fluss und ois is easy

Und I fui me wias Wassa meistens ganz staad, doch ar amoi wuid
Und I fui me wias Wassa es geht so dahi - wois ned wirklich wohi

Manchmoi weard's ma z'vui und ko ned sogn wia i mi fuih
sitz fad do am Schreibtischstui

Wart scho ganz schee lang, doch wead mia gar ned bang
weil I bin im Fluss und ois is easy

Und I fui me wias Wassa, meistens ganz staad, doch ar amoi wuid
Und I fui me wias Wassa, so richtig obgstandn aber a erfrischend, pri-
ckelnd guad,

unter Druck wiard oam oft woarm
und in da Kailtn mog ma ned dafriern
lieber immer leicht beschwingt und se g'frein wos no so kimmt

Und I fui me wias Wassa tauch gern unta - aber a wieder auf
Und I fui me wias Wassa macht mi wer hoäß, steig i zum Himme
nauf ,es geht auf auf auf

Und I fui me wias Wassa es geht so dahi
woas ned wirklich wohi

Alpenfeeling

Da erste Sonnastrahl - schleicht se langsam übern Gipfl

Nebelschwadn hänge no - in de Baumwipfl
d' Wies'n blitzt und funkelt wenn de Sonn' einaleichd
weil da Morgentau so schee an de Gräser hängt und leichd
as Lebn pulsiert - kost as spürn?

da Gockl und de Henna dan in Heistadl renna
da Hund und de Katzn in da Sonna liegn und natzn
da Hirsch draußt im Wald umananda röhrd dass hoild
und de Blumen auf da Wiesn, ja des alles kost genießen
as Leben pulsiert - kost as spürn

**Und du sitzt auf deiner Bank
schaugst ins Tal ... und du woäßt ... was des hoäßt
hast dei Ruah ... schaugts am Lebn zua ... ja nur zua**

Am Himmi siagst an Fliaga, für de obn bist ganz kloa
Da obn schwebt a Adler, mühelos und ganz aloa
as Lebn pulsiert - kost as spürn

**Und du sitzt auf deiner Bank
schaugst ins Tal ... und du woäßt ... was des hoäßt
hast dei Ruah ... schaugts am Lebn zua ... ja nur zua**

Da Adler fliagt ... de Wolkn ziagn
as Lebn pulsiert ... und du kost as spürn

Da neie Dog

**I spür de Kraft von dem neia Dog ... I frag mi was da no so kimmt
I spür de Kraft von dem neia Dog ... I frag mi was a uns no bringt**

de Vegl singa scho ganz in da Frua
da Himml blau und wolkenlaar
I riach den Bleaml ... und siag de Schwabln flaign
und I spür mi gehts guad ... ja guad ... guad so guad ... ja so guad

**I spür de Kraft von dem neia Dog ... I frag mi was da no so kimmt
I spür de Kraft von dem neia Dog ... I frag mi was a uns no bringt**

mei Spatzl liegt glei neba mir
de Kids spün untn beim Baam
da Hund der schaut se nach de Katz um
und I spür mi gehts guad ... ja guad ... guad so guad ... ja so guad

[SOLO]

**I spür den Dog ... de Kraft de a scho hod
I spür es überoi
I heer den Rhythmus vom Lebn so wia'is mog,
I werd da richtig überoid**

Den Rhythmus spür I in da ganz'n Stod
I hoff daß no lang so bleibt
mir spürn den Rhythmus, den Pulsschlag von dem Dog
... und uns alle gehts guad ... ja guad ... guad so guad ... ja so guad

[SOLO]

**Des is da neie Dog ... da neie Dog
Des is da neie Dog ... da neie Dog
Des is da neie Dog ... da neie ... Dog**

Late Love Blues

I bin in der Friauf aufg'wachd
dei Platz war leer
I glaub I hab was verkehrt g'machd
du bist weg

Die Zeit mit dir de war so schee
Dei Abschiedsbrief duad weh
I bin so traurig

Mit uns zwoa is nix mehr los ... hast du g'schriebm
I ziaig in a andere Stadt ... hast du g'schriebm

Die Zeit mit dir de war so schee
Dei Abschiedsbrief duad weh
I bin so traurig

Wo soll I di bloß suacha ... du bist weg
Woimas ned no amoi versucha ... du bist weg

Die Zeit mit dir de war so schee
Dei Abschiedsbrief duad weh
Dei Abschiedsbrief duad weh

I lauf durch die Straß'n und steh neben mir
I sihg dei Buildl direkt vor mir
I ruaf di o, du gehst net hi

Du bist weg,
Du bist weg!

I bin so traurig
I bin so traurig

Suddenly SUNSHINE

I bleib heid im Bett, riah mi einfach ned
draußen donnerts, des is bleed
I bleib heid im Bett, riah mi einfach ned
as Wedda draußd a so a Gfrett

**I brauch etz de Sun
dass I in Stimmung kum
(weil) langsam wird's ma z'bunt
ja sunshine where are you
wo bist du?**

I bleib heid im Bett, I riah mi einfach ned
da Regn prasslt auf's Fensterbrett
I bleib heid im Bett, I riah mi einfach ned
am Radio no a Blues des is wia vahext

**I brauch etz de Sun
dass I in Stimmung kum
(weil) langsam wird's ma z'bunt
ja sunshine where are you
wo bist du?**

[Solo]

Plötzlich schau I naus, as Gwitta des gibt auf
de Sonna lacht in ihrer ganzen Pracht
Plötzlich reißt es auf, as Gwitta des gibt auf
I spring ausm Bett und renn aus'm Haus

Hey, des passt

***ja de sun scheint (und my Bab' is da)
sun scheint (des is wunderbar)
de sun ... scheint yeah
de sun ... scheint yeah
de sun ... scheint yeah
de sun ... scheint yeah
de sun ... scheint yeah***

Mia san no lang ned Oid

Wenn Du beim Klassentreffen deine oidn Spezl wieda sigst und Stunden später dann in Spiegel blickst ... dann denkst da, poh ... schau'n mia no guad aus.

Mia san no ned oid - oid san nur de andan
san echt locka drauf - da hod se a nix gändad
Mia san no lang ned oid - oid san nur de andan
schaugn sauguat no aus - mia dan uns seiba wundan

Selbst wenn – de Haar wenga wern ..
und so guad wia a Maulwurf mia ..ohne Brilln seng

Mia san no ned oid - oid san nur de andan
san echt locka drauf - da hod se a nix gändat
Mia san no lang ned oid - oid san nur de andan
schaugn sauguat no aus - mia dan uns seiba wundan

Selbst wenn – mit de Schnecken nix mehr geht...
und as Sixpack se untam Bauchspeck versteckt

**Ja ... sooo is as Lebn
bei uns da koast das segn
Mia san a Naturgewalt ... weil mia san jung, nur de andern oid**

[SOLO]

**Ja ... sooo is as Lebn
bei uns da koast das segn
Mia san a Naturgewalt – weil mia san jung, nur de andern oid**

**Ja ... sooo is as Lebn
bei uns da koast das segn
Mia san a Naturgewalt – weil mia san jung, nur de andern oid**

Mia san no lang ned oid

Mein kleiner Schatz

Wie gern seh´ ich dir beim Spielen zu, wie freut mich dein Gesang
Und wehmütig denk ich so oft, das hab ich nimmer lang.
Denn viel zu schnell, mein kleiner Schatz, da bist du auch schon groß
Und mir als Papa fällt das schwer, lass dich nur ungern los.

**Mit Katzen schmusen, Hunde jagen
Ein Plüschtierberg im Kinderwagen
schubiduwa
Die kleine Schaukel an dem Baum**

Es lauert dir - so denk ich mir, Gefahr´n in dieser Welt
bist du erst groß und ich nicht da, bist du auf dich gestellt.
Gerne will ich dich beschützen, Du lieber kleiner Spatz
Wenn es dereinst mal brenzlich wird, für meinen großen Schatz

**Mit Katzen schmusen, Hunde jagen
Ein Plüschtierberg im Kinderwagen
schubiduwa
Die kleine Schaukel an dem Baum**

Der unbeschwerte Kindertraum, doch jetzt ist es noch nicht ganz so weit
Du bist ja noch so klein, das Vater Glück das du mir schenkst
jetzt ist es grad noch mein
Für jeden Tag der so vergeht, mit Papas kleinen Spatz
Kann ich nur immer dankbar sein, für diesen großen Schatz

**Mit Katzen schmusen, Hunde jagen
Ein Plüschtierberg im Kinderwagen
schubiduwa
Die kleine Schaukel an dem Baum
Der unbeschwerte Kindertraum**

Wie gern seh´ ich beim Spielen zu Bist du schon nicht mehr mein...
Wie freut mich dein Gesang Bist du schon nicht mehr mein...
das hab ich nimmer lang Bist du schon nicht mehr mein...

Ooooooh ... schubiduwa

Doch jetzt bist Du noch mein

Phlegmatisch

I denk von 12e bis Middog
aber selten ... wirklich selten no danoch.
Denn wer wenga denkt is mehr z'friedn
einfach oba vom Gas des dad uns sicherlich liegn.

I lass me einfach so treibm, dogei und dogaus leb I vor mi hi
und mei Stimmung is Harmonie ... mit Melancholie

Und er fuid'se so	phlegmatisch
des finden alle so	b b b b b problematisch
fui'de doch ne so	unheimlich phlegmatisch
greif hoid endlich o	ja wieso?

Alle woins nua z'ruck zum An-ormal
zum Shoppen und zum umananda roasen, so ganz brutal.
Alle hetzens umanand,
doch I dua lieba bled schau, des is doch a koa Schand.

De Welt roaßt so schnei an uns vorbei
I lass me ned beirrn ... I bleib sorgenfrei
hoid einfach fest an mei Philosophie ... Melancholie

Und er fuid'se so	wunderbar phlegmatisch
des finden alle so	b b b b b problematisch
fui'de doch ne so	unheimlich phlegmatisch
greif hoid endlich o	Mei Zustand is eiz wirklich ned extatisch -
NO	

[Solo]

Und er fuid'se so	wunderbar phlegmatisch
des finden alle so	systematisch, symptomatisch, problematisch
fui'de doch ne so	unheimlich phlegmatisch
greif hoid endlich o	ja Wieso?

fui'de doch ne so	unheimlich phlegmatisch
greif hoid endlich o	- ja Wieso?

Brauch I des

Du, mir kenna uns scho so lang
Glei wia i di g'seng hob, warst du mein Traum
Mia habm unser Leb'n midananda g'lebt

**Doch manchmal frag i mi, wieso, weshalb, warum?
Brauch I des?**

Du, mit mia stimmt was ned in letzta Zeit
I grandl'd nur rum, bin bäis zu de Leit
Und ko's ned versteh warum dass I mi so fuih

Doch manchmal frag i mi, wieso, weshalb, warum

Brauch I des? und i denk nach was wichtig is
Ja, wui I des? hod des für mi an Wert
ja mog I des? da bin I mir goa ned sicher
Ja, woid I des? Na, Na

Du, i woas goa ned was mia no so feid
Hob a Haus, a Auto und an haufa Gaid
Trotzdem bin i ned z'friedn und schau wos i mia no so alles zualegn kannt.

Doch manchmal frag i mi, wieso, weshalb, warum

Brauch I des? und i denk nach was wichtig is
Ja, wui I des? hod des für mi an Wert
ja mog I des? da bin I mir goa ned sicher
Ja, woid I des? Na, Na

[SOLO]

Immer öfters frag i mi, wieso, weshalb, warum

Brauch I des? und i denk nach was wichtig is
Ja, wui I des? hod des für mi an Wert
ja mog I des? da bin I mir goa ned sicher

Ja, woid I des? wieso, weshalb, warum?

Rengschburg

I wohn eiz scho so lang bei Dir
Kenn de schenst'n Platz von Dir
Do gher i her doch s'Gfui is anders
Nimma so wia's früher war

**Do wo da Reg'n in Doana fliast
und s'Bruckmandl an Dom schee griaßt
Reng'schburg - do bin i dahoam**

**Aber in letzter Zeit, feid mir dei
G'miatlichkeit ... Und I woas wirklich ned, ob I bei dir bleib**

Studiert und g'feiert auf'm Uni-Berg
Und glei danach ned g'wusst wo hi
Geh I nach Passau, Minga oder weida weg
Doch des Regn'schburg hoit me fest, hoit mi fest

Magnet für Preuß'n und Chinesen
Wachstum, Boomtown ... Globalisierung
Mia san des einfach vui z'vui Leit
Wo bleibt da deine G'miatlichkeit

Manchmoi fahr'e mit'm Fliaga fuat
Da ziaig'ts me ausse in de Wäid
Und merk ganz schnei wia schee des bei uns is
Do in Regensburg bleib i g'wies, bleib i g'wies

**Do wo da Reg'n in Doana fliast
und s'Bruckmandl an Dom schee griaßt
Reng'schburg ... do bin i dahoam
Aber in letzter Zeit, feid mir dei G'miatlichkeit
Doch mei Regn'schburg des hoit mi fest**

**Do wo da Reg'n in Doana fliast
und s'Bruckmandl an Dom schee griaßt
Regn'schburg ... do bin i dahoam
Aber in letzter Zeit, feid mir dei G'miatlichkeit
Doch mei Regn'schburg des hoit mi fest**

Somma Dog

D'Sonna geht scho unda ... langsam wird es staad
nur mir zwoa alloa am Strand ... es war a scheena Dog

d'Sonn bluadrot, verschwind im Meer ... bis ma nix mehr siegd
d'erst'n Sterndl stegn am Himml ... Mensch ham mir a Glück

Somma Dog ... Somma Dog am Meer
I und Du ... kriagn davo ned gnua
Somma Dog ... Somma Dog am Meer
Spürn de Ruah ... heern am Meer nur zua

draußen fahrn de großn Schiff vorbei ... was werdn de wohl doa?
is ma wirklich aufm Meer so frei ... oder fühlt ma se alloa?
seghn an kloana Krebs ins Wassa renna ... mia schaugn de Möwen zua
wia's hochsteign und segeln kenna ... so frei sei, des dad guad!

Somma Dog ... Somma Dog am Meer
I und Du ... kriagn davo ned gnua
Somma Dog ... Somma Dog am Meer
Spürn de Ruah ... heern am Meer nur zua

Mia genießn grad de Meeresbrisen ... als direkt vor unsre Augn
zwoa Delphin aus'm Wassa hupfn ... es is wia in am Traum
wenn de Welln de am Strand okemma ... oiwei kloana werdn
auf amoi dann ganz vastumma ... kost as Meer redn heern

Somma Dog ... Somma Dog am Meer
I und Du ... kriagn davo ned gnua
Somma Dog ... Somma Dog am Meer
Spürn de Ruah ... heern am Meer nur zua

Und mia sitzn da ... I nimm di bei da Hand
d'Sterndl leichtn imma hella ... hockn oiwei no am Strand

Somma Dog, Somma Dog am Meer ...

2 x hearn am Meer nua zua
hearn am Meer ... hearn am Meer
hearn am Meer nua zua

Gänseblümchen und Löwenzahn

I steh danebm ... I kos wachsn segn
I schaug scharf o ... so bäis wia I nua koa
Doch des hüift ma alles nix
de Dinga wachsn wia da Blitz

Sie geb'm gar koa Ruah ... I fühl mi so valoarn
Wart auf an Geistesblitz ... doch leida kimmt da nix
Gänseblümchen wachsn überoi
D'Wiesn weiß wia nach am Schneefoi

Was dad's ihr mir da o?
Was kon I dagegen doa?
Solle echt an Rasnmäha hoin, und alle Bleaml übadübaroin?
duas ned - ja scho

Was dad's ihr mir da o?
Was kon I dagegen doa?
Solle echt an Rasnmäha hoin, und alle Bleaml übadübaroin?
duas ned - ja scho

Auch der Löwenzahn ... tut was er kann
Wåxst in jedem Spalt ... macht vor goår nix Hoid
Doch des ... hilft eahm alles nix
I reißen aus ... wia da Blitz

[SOLO]

Was dad's ihr mir da o?
Was kon I dagegen doa?
Solle echt an Rasnmäha hoin, und alle Bleaml übadübaroin?
duas ned - ja scho

Was dad's ihr mir da o?
Was kon I dagegen doa?
Solle echt an Rasnmäha hoin, und alle Bleaml übadübaroin?
duas ned - ja scho

I steh danebn - kos wachsn segn - **Ois vageben - damit muaßt Leebn**

Coconut (a Kokosnuss)

A Kokosnuss hängt ob'n am Baam, denkt warum is as Lebn so fad?
Imma nua an da Palma hänga, des kos ned sei I nimm etz a Bad
Springt ins koide Wasser nei, und lasst se einfach so treibn,
schwimmt an de Insln vorbei, und spürt tief in ihr - as feeling - sie is frei.

Coconut, ja sie sucht as Glück
Little Coconut, ihr Ziel fest im Blick
Coconut, es gibt koa zurück
Little Coconut, und koa Rettungsboot

De Kokosnuss treibt ausse aufs Meer, und fühlt se auf amoi ganz alloa
Und fragt se, etwas zu spaad, was hab' I auf'm Meer nur verlorn?
Doch aufgeb'm duad si ned, schwimmt tapfer weida dahi,
bis's auf amoi weit weg, a Insel am Horizont siegt - ja da wuis hi.

Coconut, ja sie sucht as Glück
Little Coconut, ihr Ziel fest im Blick
Coconut, es gibt koa zurück
Little Coconut, und koa Rettungsboot

De Kokosnuss ziagt's ausse an Land, aufamoi is alles bekannt.
Sie grabt si eine in Sand, hat ihr oide Insel sofort erkannt.
Ja war's des wirklich wert, de ganze Plackerei
Ja war's des wirklich wert, sie woäß es ned und es is a oanalei.

Coconut, ja sie sucht as Glück
Little Coconut, ihr Ziel fest im Blick
Coconut, es gibt koa zurück
Little Coconut, und koa Rettungsboot

*Und de Moral von der Geschichd,
Spring ned vom Baam ins Meer ...du sigsd
Im Grund gnumma passt ois so
Dahoam is so schee wia anderswo*

Coconut, ja sie sucht as Glück
Little Coconut, ihr Ziel fest im Blick
Coconut, es gibt koa zurück
Little Coconut, und koa Rettungsboot

Coconut, ja sie sucht as Glück
Little Coconut, ihr Ziel fest im Blick
Coconut, es gibt koa zurück - Little Coconut,

Hoid de Zeit

[Instrumental]

De Wäid, de draht si imma schnella
mia roasn hintaher
doch des muas ned sei
es gibt an Weg für uns zwoa

[Instrumental]

De Kinda san scho erwachsn
rennt uns de Zeit davo?
Na des muas ned sei
mia hoid'n Zeit einfach o

[Instrumental]

Hoid de Zeit
Hoid de Zeit
Hoid de Zeit doch o ... für uns zwoa

Hoid de Zeit
Hoid de Zeit
Hoid de Zeit doch o ... für uns zwoa

[Solo]

Hoid de Zeit
Hoid de Zeit
Hoid de Zeit doch o ... für uns zwoa

Hoid de Zeit
Hoid de Zeit
Hoid de Zeit doch o ... für uns zwoa

[Instrumental]

Sonne über Island

Da Urlaub der steht vor der Tür und bis I schau sagt d’Frau zu mir
geh foan ma hoid nach Island nauf ... I denk ma de is aber drauf
De Insl is is doch so weit weg ... da bist a ewig auf da Streck’
Doch wendst was segn willst ... dann muaßt foahrn

Mir packn unsre Sachn zam ... und fahrn dann auf die Autobahn
as Weda is kotzgreislich scho den lieben langen Dog
grau in grau ... de ganze Zeit
was glaubst wia uns des gfreit

Sonne über Island – ja des wär a Paradies

Sonne über Island – wenn’s scheina dad dann waar’s ... a Paradies

Nach fuchzig Stund am Fährschiff drom ... da kumma mir auf Island o
Kaum samma mir am ersten Ort ... samma a wieda fort
Von Sedysfjedür fahrn mir über Egislstadir
Und sucha unsa erst’s Quartier

Da nächste Tag is wundabar ... de Sonna scheint seit Stunden scho
so dass man glaubt as Wedda hat es gut mit uns gemeint
bis auf amoi da Schneeregen kummt
Im Sommurlaub ... echt saudumm

Sonne über Island – ja des wär a Paradies

Sonne über Island – wenn’s scheina dad dann waar’s ... a Paradies

Doch mir gebn no lang ned auf ... schaugn trotzdem alles o
von Housavik nach Akureri weida geht de Foahrd
Bis ma endlich dann nach Stunden in Helisandur san
an Snæfellsjökull o schaugn dan

Leider hat es Nebel und mir segn ned wirklich vü
aber in der Tourist-Info da hams a scheenes Bild
Mia stegna dann davor und denkn wär des schee
Wenndst was segn daadst ... bei dem Regn

Doch de Sonna kimmt ned raus, da Regn dafür scho

De wolkn ziagn an uns vorbei ... mia hoidn’s fast ned aus

***Und mia ham eigentlich ... Sonne gebucht
Wo bleibt denn blos de Sonn, da Regn wird fast zum Flu-u-uch***

und bist'D schaugst san d'Wochn rum ... du fragst wo is Zeit higflogn
foahrst dann wieda hoam mim Schiff ... wo di dann da Nordsturm trifft
doch tief in Dir da haost as gspürt ... de Freiheit drobm hat di berührt
irgendwia ... bist dahoam

Eyjafjallajökull oda Vatnajökull ganz egal wias hoaßn dan ...
de Insl de is fast scho surreal
und wennd'st Glück hast ...
und da Himmi ned nur weint

und de Sonna im Paradies scheint
ja de Sonna im Paradies scheint

weil nächst moi – ganz gwies - da scheints de Sonna

**Sonne über Island – ja dann scheint sie ganz gwies
Sonne über Island – ja dann host ... as Paradies**

Dei Wärm

I stai mia voa, wia's damals woa ... mit uns zwoa
z'friedn mit da Wäid, ganz ohne Sorgn ... und di im Oam (mhmh)
Warn no so jung und unerfahrn, zudem offen für ois,
G'spannt wos se riad, wos se duad, Hauptsach ned aloans (mhmh)
Denk gern z'ruck, an de Zeit mit dir ... scho wachst de Sehnsucht in mir...

**I mächt dein Pulsschlag spürn, richtig Gänshaut kriagn,
mi nur no auf di verlassen ...
I druck me her zu dir und hoid de fest, denn de Wärm de du mia gibst
mächt I nimma missn.**

Lang hob I braucht bis es kapiert wos wichtig is; S'werd langsam klar wieso,
weshalb, warum I di so brauch
Vasprühst so vui Energie, baust mi auf mit Sympathie; Bin I bei dir vergiß I ois,
a guads 'Gfui im Bauch
Wos für Glück, I lieg neben dir, scho wachst de Sehnsucht in mir ...

**Lass mi dein Pulsschlag spürn, richtig Gänshaut kriagn,
mi nur no auf di verlassen ...
I schau dir ganz tiaf in d'Augn, verlier me drin, nimm dei Händ, de du
mia gibst und frei mi so auf di**

mia lassen uns foin ... lassen uns foin ... mia lassen uns foin ...

Doch vui zu schnei hod ois a End, doch eiz is eiz und s'Gfui sogt mia: I brenn

**I mächt dein Pulsschlag spürn, richtig Gänshaut kriagn, mi nur no auf
di verlassen,
I schaug dir ganz tiaf in d'Augn, verlier me drin, frei mi auf des wos
du mir gibst - frei mi so auf di ...**

**I muaß dein Pulsschlag spürn, richtig Gänshaut kriagn, mi nur no auf
di verlassen,
I druck me her zu dir und hoid de fest, denn de Wärm de du mia gibst
Mächt I nimma missn ... de Wärm de du mia gibst
Mächt I nimma missn ... de Wärm de du mia gibst
Mächt I nimma missn ... de Wärm de du mia gibst
Mächt I nimma missn**